



UNIVERZITET U SARAJEVU
UNIVERSITY OF SARAJEVO
Akademija likovnih umjetnosti
Academy of Fine Arts

Broj: 03-271-6/26

Datum: 11.05.2026. godine

Na osnovu člana 69. Zakona o visokom obrazovanju („Službene novine Kantona Sarajevo“, broj: 36/22 i 28/25), člana 111. Statuta Univerziteta u Sarajevu od 26.07.2023. godine, Pravila studiranja za prvi i drugi ciklus studija, integrisani, stručni i specijalistički studij na Univerzitetu u Sarajevu i na osnovu prijedloga Koordinatora Interdisciplinarnog studija Konzervacija i restauracija, Vijeće Univerziteta u Sarajevu – Akademije likovnih umjetnosti je na 101. redovnoj elektronskoj sjednici održanoj 11.05.2026. godine donijelo

ODLUKU

o kriterijima i mjerilima za rangiranje kandidata
za upis u prvu godinu prvog ciklusa **Interdisciplinarnog studija Konzervacija i restauracija**
koji se realizira u saradnji Univerziteta u Sarajevu – Akademije likovnih umjetnosti i Univerziteta u
Sarajevu – Prirodno-matematičkog fakulteta
u akademskoj 2026/2027. godini

I

Pravo učešća na Konkursu za upis u prvu godinu prvog ciklusa studija pod jednakim uvjetima imaju:

- a) državljani Bosne i Hercegovine i strani državljani sa završenom srednjom školom u četverogodišnjem trajanju u Bosni i Hercegovini;
- b) kandidati koji su srednju školu završili izvan Bosne i Hercegovine, a za koje je nakon postupka priznavanja odnosno nostrifikacije utvrđeno da imaju završeno adekvatno obrazovanje za nastavak školovanja;
- c) kandidati sa završenom četverogodišnjom srednjom školom po međunarodnim programima koji su odobreni od nadležnog ministarstva

II

Rangiranje kandidata i prijem studenata koji konkurišu za upis na Interdisciplinarni studij Konzervacija i restauracija koji se realizira u saradnji Univerziteta u Sarajevu – Akademije likovnih umjetnosti i Univerziteta u Sarajevu – Prirodno-matematičkog fakulteta (u daljem tekstu: ALU i PMF) vršit će se u zavisnosti od broja bodova koje kandidat osvoji na osnovu:

- općeg uspjeha u toku školovanja
- uspjeha iz bosanskog, hrvatskog ili srpskog jezika
- uspjeha iz predmeta značajnih za studij
- rezultata ostvarenih na takmičenjima iz predmeta relevantnih za određeni studij,
- odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja;

- ostala bodovanja utvrđena članovima Konkursa za upis studenata u prvu godinu studija na Univerzitetu u Sarajevu u akademskoj 2026/2027. godini (u daljem tekstu: Konkurs),
- prioriteta izbora studijskog programa,
- rezultata eksterne provjere znanja (u slučaju međunarodnih programa)

III

Broj bodova po osnovu općeg uspjeha iznosi maksimalno 20, a utvrđuje se tako što se prosječna ocjena iz svih predmeta u svim razredima, zaokružena na dvije decimale, pomnoži sa 4.

IV

Broj bodova po osnovu uspjeha iz predmeta značajnih za studijski program utvrđuje se kako slijedi:

- uspjeha iz bosanskog, hrvatskog ili srpskog jezika i grupe predmeta koji su značajni za ovaj studij, vrednuje se sa maksimalno 80 bodova i to tako što se prosječna ocjena iz grupe ovih predmeta zaokruži na dvije decimale i pomnoži sa 16.

Za kandidate koji dolaze iz srednjih **umjetničkih škola** posebno se boduje strani jezik, predmet iz grupe matematičkih nauka i predmet iz grupe humanističkih nauka (prema listi preferencije) iz četiri razreda škole.

Za kandidate koji dolaze iz **gimnazija** posebno se boduje strani jezik, predmet iz grupe prirodnih nauka i predmet iz grupe humanističkih nauka (prema listi preferencije) iz četiri razreda škole.

Za kandidate koji dolaze iz srednjih **tehničkih i srodnih škola** posebno se boduje strani jezik, predmet iz grupe prirodnih ili matematičkih nauka (prema listi preferencije), te predmet iz grupe humanističkih nauka iz četiri razreda škole.

Predmeti iz grupe matematičkih, prirodnih i humanističkih nauka biraju se prema slijedećim listama preferencije:

1. **Prirodne nauke:** hemija, biologija, fizika
2. **Matematičke nauke:** matematika, informatika
3. **Humanističke nauke:** likovna kultura, historija umjetnosti, historija/povijest.

V

Kandidati koji su ostvarili nagrade, jedno od prva tri mjesta iz predmeta relevantnih za ovaj studij ostvarenih na međunarodnim, državnim, kantonalnim i općinskim takmičenjima, ostvaruju broj bodova onako kako je objavljeno Konkursom.

VI

Kandidatima koji su imali odličan (5,0) uspjeh iz svih nastavnih predmeta i primjerno vladanje u toku cjelokupnog srednjoškolskog obrazovanja, dodjeljuje se dodatnih 5 (pet) bodova.

VII

Preliminarna rang lista svih primljenih i prijavljenih kandidata objavljuje se putem informacionog sistema kao i na oglasnoj ploči/web stranici Univerziteta u Sarajevu – Akademije likovnih umjetnosti (pod šifrom koju su kandidati dobili prilikom registracije) nakon što je verificira Komisija, na datum utvrđen Konkursom.

VIII

Na preliminarnu rang-listu kandidati imaju pravo prigovora u roku od dva dana od dana objave iste, o kojoj su Vijeća Univerziteta u Sarajevu – Akademije likovnih umjetnosti i Univerziteta u Sarajevu – Prirodno – matematičkog fakulteta obavezna donijeti odluku u roku od jednog dana. Odluka Vijeća po prigovoru je konačna.

Nakon isteka žalbenog roka Komisija je obavezna u informacioni sistem unijeti i verificirati rezultate po uvaženom prigovoru. U slučaju uvaženog prigovora koji utiče na rangiranje kandidata unutar odobrene kvote, kvota se proširuje za broj kandidata kojima su uvaženi prigovori u statusu za koji konkurišu.

IX

Konačna rang lista kandidata koji su stekli pravo na upis u svim statusima objavljuje se na informacionom sistemu kao i na oglasnoj ploči/web stranici Univerziteta u Sarajevu – Akademije likovnih umjetnosti u skladu sa datumima utvrđenim ovim Konkursom.

X

U roku od 5 radnih dana od dana objave konačne rang liste, kandidat koji je ostvario pravo na upis je obavezan dostaviti originale dokumenata koje je postavio na web stranici i izvršiti upis; u suprotnom, smatra se da je odustao od upisa na studijski program za koji je aplicirao.

XI

Konkursom za upis studenata u prvu godinu studija na Univerzitetu u Sarajevu u akademskoj 2026/2027. godini će biti detaljnije raspisani prijavni rokovi, opće odredbe odluke o kriterijima i mjerilima za utvrđivanje redoslijeda prijema kandidata za upis u prvu godinu studija, dokumenti potrebni za online prijavu na konkurs, kriteriji i mjerila za bodovanje kao i upis kandidata.

XII

Ova odluka stupa na snagu danom donošenja

D E K A N

s.r. Prof.dr. Dubravka Pozderac - Lejlić

Dostaviti:

- *Univerzitet u Sarajevu – Prirodno-matematički fakultet*
- *web stranica ALU*
- *Sekretar ALU*
- *Služba za nastavu i studentska pitanja*
- *arhiva - protokol*

Broj: 03-271-6.1/26

Datum: 11.05.2026. godine

Predmet: Stručno mišljenje

Na osnovu člana 127. Statuta Univerziteta u Sarajevu od 26.07.2023. godine mišljenja sam da predmetna odluka, sačinjena na osnovu prijedloga odsjeka ALU, nije u suprotnosti sa zakonskim i podzakonskim propisima.

Vijeće članice nadležno je za usvajanje predmetne odluke u skladu sa članom 69. Zakona o visokom obrazovanju („Službene novine Kantona Sarajevo“, broj: 36/22).

Sekretar
s.r. Elma Đozo, dipl. pravnik